



SAMBAND ÍSLENSKRA SVEITARFÉLAGA

Umhverfis- og auðlindaráðuneytið
Skuggasundi 1
150 Reykjavík

Reykjavík 16. október 2018

1810016SA BG
Málalykill: 00.64

Efni: Umsögn um drög að reglugerð um raf- og rafeindatækjabúnað

Vísað er til tilkynningar á samráðsgátt stjórnarráðsins, dags. 2. október sl., þar sem óskað er eftir umsögn um drög að reglugerð um raf- og rafeindatækjaúrgang.

Tilgangur reglugerðarinnar er að innleiða að fullu tilskipun Evrópuþingsins og ráðsins 2012/19/ESB frá 4. júlí 2012 um raf- og rafeindabúnaðarúrgang en innleiðing þeirrar tilskipunar hófst með setningu laga nr. 65/2017, um breytingu á lögum um meðhöndlun úrgangs.

Meðal helstu breytinga má nefna nýja flokkun raf- og rafeindatækja og sett eru ný markmið um söfnun og endurnýtingu raf- og rafeindatækjaúrgangs. Ný flokkun raf- og rafeindatækja er í samræmi við flokkun Úrvinnslusjóðs og er því um einföldun að ræða að reglugerðin endurspegli flokkun Úrvinnslusjóðs. Ennfremur er bætt við ákvæði um að stærri verslanir sem selja raftæki eigi að taka á litlum tækjum til endurnýtingar móti endurgjaldslaust og án skilyrða.

Sambandið styður framkomnar tillögur að breytingum en bendir á að einhver kostnaður kann að falla til ef breyta þarf núverandi fyrirkomulagi flokkunar raf- og rafeindatækja á söfnunarstöðvum sveitarfélaga ásamt því að kostnaður gæti fylgt því að breyta merkingum á söfnunarílátum. Þó er ekki talið að þessi kostnaður sé verulegur.

Virðingarfyllt

SAMBAND ÍSLENSKRA SVEITARFÉLAGA

Guðjón Bragason

sviðsstjóri lögfræði- og velferðarsviðs